

Sakspapir

Sakshandsamar	Arkiv	ArkivsakID
Sveinung Toft	FE-130	20/582

Saknr	Utval	Type	Dato
076/2020	Formannskapet	PS	31.08.2020
	Kommunestyret	PS	

Interkommunal plan for sjøareala i Nordhordland - delegering av mynde, og val av representantar til interkommunalt planutval for sjøareal

Vedlegg:

Journalposttittel	Dato
Interkommunal plan for sjøareal i Nordhordland - Regionrådet - Forprosjekt av 05.06.2020	10.08.2020
Interkommunal plan for sjøareal i Nordhordland - Regionrådet sitt vedtak	10.08.2020

Rådmannen sitt framlegg til vedtak:

1. Masfjorden kommune vedtek å slutta seg til å delta i interkommunalt plansamarbeid om sjøareala i Nordhordland, med forslag til organisering, som skildra i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i medhald av plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil ha mynde til å varsle planoppstart, vedta planprogram og gjennomføra planprosessen fram til politisk handsaming i kommunestyret i Masfjorden kommune.
3. Masfjorden kommune vedtek at IKPU skal ha ein medlem med varamedlem frå kvar av dei medverkande kommunane.
4. Masfjorden kommune vel **xx** til medlem med **xx** som varamedlem til IKPU. Utvalet konstituerer seg sjølv i første møte.

Saksopplysningar:

Bakgrunn:

Det er mange ulike interesser knytt til bruken av sjøareala, og det er behov for å sjå på forvaltninga på tvers av kommunegrensene. Regionrådet i Nordhordland har difor starta arbeidet med ein interkommunal plan for sjøareala i Nordhordland.

I «Nasjonale forventningar til regional og kommunal planlegging 2019-2023» er det uttrykt at kommunane i større grad må sjå på forvaltninga av sjøareala på tvers av kommunegrensene. Desse forventningane har Fylkesmannen følgd opp ved å løyve midlar til dette prosjektet. Felles interkommunalt planarbeid med sjøareal er gjort andre stadar i landet, mellom anna i Troms, og ein har no sett på korleis arbeidet der har vorte organisert.

Planen er å organisere dette som eit interkommunalt samarbeid slik plan og bygningslova gjev heimel for i § 9. Dette er gjort med godt resultat andre stadar, og forslaget er å følgje om lag same modell som i Troms. Interkommunal plan for sjøareal består av enkeltplanar (frå kvar kommune som deltek), men det er gjort samla vurderingar.

Eit slikt samarbeid legg til grunn at deltakande kommunar delegerer planmynde til eit interkommunalt planutval (IKPU/planutvalet) med ein medlem med varamedlem frå kvar kommune. Jf. [§§ 9-2 og 9-3](#). Det interkommunale planutvalet får ansvar for planstart, utarbeida og fastsetja felles planprogram og plan. Planutvalet har vidare ansvar for offentleg ettersyn, merknadshandsaming og innstilling til dei respektive kommunestyra. I dei kommunane som har eige planutval, er det naturleg at den som er leiar i planutvalet vert valt og at nestleiar vert vara.

Det endelege planvedtaket (godkjenning av plan) skal gjerast i kvar enkelt kommune, og vil gjelda for eige planområde. Det endelege produktet er mange enkeltplanar laga over same mal med ein samla vurdering og utgreiing.

Kvar einskild kommune må ha planprosessar for sine areal som om det var ein eigen planprosess. IKPU har ansvaret for å sjå desse enkeltplanane i samanheng, og å syte for heilskapen i den regionale planen. Dialog og medverknad i planprosessen vil verta samordna av IKPU.

Røynsle frå andre interkommunale prosjekt viser at denne modellen er mest effektivt med tanke på å koma fram til ein endeleg plan. For å lukkast må det vere god lokal forankring. Det er lagt føringar for korleis rapporteringa frå representanten i IKPU skal rapportera til politisk nivå i eigen kommune.

Organisering av planarbeidet er skildra nærare i prosjektplanen.

Tidsplan

Dei deltakande kommunane må først gjera vedtak om deltaking og utnemna medlemmar til interkommunalt planutval i løpet av tidleg haust 2020. Utarbeiding av planprogram kan gjerast hausten 2020. Planprogrammet vert sendt på høyring 2020/2021 saman med melding av planoppstart.

Første del av planprosessen vil vera prega av arbeid med å få inn innspel frå innspelgrupper, næringsaktørar og innbyggjarane våre. Det er forventa at prosjektet kan presentere det som er kome inn av innspel hausten 2021. Drøfting av innspel, konsekvensutgreiing og utforming av første forslag til plan vil skje første halvår av 2022. Det er forventa at første framlegg til plan kan leggjast ut på høyring hausten 2022, og at endeleg forslag til plan kan sendast til kommunane våren 2023.

Framdriftsplanen må lagast i detalj når IKPU er etablert.

Økonomi og ressursbruk

Prosjektet si finansiering vert eit spleiselag mellom kommunane og Fylkesmannen i Vestland. Fylkesmannen har løyvd skjønsmidler til prosjektet, og det er planlagt ein ny søknad i 2021 til fylkesmannen. Det vil og verta vurdert å søkje midlar andre stader. Dersom søknadane ikkje vert innfridd, er det rekna med ein direkte kostnad samla for alle kommunane på 3,2 mill. kr til saman over 4 år.

Kommunane må delta aktivt i planprosessen med eigne tilsette og folkevalde. Det er lagt opp til at kommunane må bruka om lag ein 5-10 % stilling administrativt (ca. 300 timer over 2,5 år) og 3-4 % stilling av folkevalde (120 timer over 2,5 år). Kommunane sin eigenandel er bruk av eigne tilsette og folkevalde i planarbeidet.

Alle medlemskommunane i Regionrådet er tenkt å vera med i den interkommunale planen (Alver, Austrheim, Fedje, Gulen, Masfjorden, Modalen og Osterøy).

Formannskapet - 076/2020

FS - behandling:

Saka vart drøfta.

Det vart sett fram forslag om at ordførar Karstein Totland (H) vart vald som medlem med varaordførar Torill Torsvik Størksersen (Ap) som varamedlem.

Framlegg til vedtak vart samrøystes tilrådd til kommunestyret.

FS - vedtak:

1. Masfjorden kommune vedtek å slutta seg til å delta i interkommunalt plansamarbeid om sjøareala i Nordhordland, med forslag til organisering, som skildra i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i medhald av plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil ha mynde til å varsle planoppstart, vedta planprogram og gjennomføra planprosessen fram til politisk handsaming i kommunestyret i Masfjorden kommune.
3. Masfjorden kommune vedtek at IKPU skal ha ein medlem med varamedlem frå kvar av dei medverkande

kommunane.

4. Masfjorden kommune vel ordfører Karstein Totland (H) til medlem med varaordfører Torill Torsvik Størkersen (Ap) som varamedlem til IKPU. Utvalet konstituerer seg sjølv i første møte.